

玉海



040
1000:1
34883

040
1000
275

玉海卷第一百九十四

浚儀王應麟白厚甫

兵捷

獻功

左傳凡諸侯有四夷之功則獻於王王以警於夷

蠻夷戎狄不式王命王命伐之則有獻捷王親受

而勞之

周王師大獻

周禮

大司樂王師大獻則令奏愷樂

大獻獻捷於祖愷樂獻功之樂

符曰振旅愷以入于晉

大司馬若師有功則左執律右秉鉞以



二十六年刊

三百一十

元愷樂獻於社 江漢告成于王

漢振旅還京師

建武五年六月建義大將軍朱祐拔黎丘獲秦豐而隴南蘇茂圍桃城帝時幸蒙因自將征之先理兵任城乃進救桃城大破萌等秋七月丁丑幸沛祠高原廟進幸湖陵征董憲又幸蕃遂攻憲于昌慮大破之八月己酉進幸鄆留吳漢攻劉紆董憲等車駕轉徇彭城下邳吳漢拔鄆獲劉紆漢進圍董憲龐萌于胸冬十月耿弇等與張步戰于臨淄大破之帝幸臨淄進幸劇張步斬蘇茂以降齊建平車駕還宮六年

正月揚武將軍馬成等拔舒獲李憲二月大司馬吳漢拔胸獲董憲龐萌山東悉平諸將還京師置酒賞賜

吳漢傳

建武四年冬率建威大將軍耿弇漢忠

將軍王常等擊富平獲索二賊於平原明年春大破

賊衆因追餘黨進擊渤海皆平之又征董憲圍胸城

明年春拔胸斬憲東方悉定振旅還京師後與公孫

述戰斬述漢振旅浮江而下

耿弇傳

車駕至臨淄

自勞軍羣臣大會帝謂弇曰韓信破歷下以開基將

軍攻祝阿以發迹其功乃難於信也弇復追步步負

斧鑕於軍門傳詣行在所勒兵入據其城植十二郡

鼓旗令各以郡人詣旗下衆十餘萬皆遣歸身復至

城陽降五校餘黨齊地悉平振旅還京師 又馬援

平南嶠建武二十年秋振旅還京師又顯宗初中元二年

九月西羌寇隴右十一月拜馬武捕虜將軍以中郎將

王豐副與監軍使者竇固右輔都尉陳訢將烏巨黎

陽營三輔募士涼州羌胡兵及弛刑合四萬人擊之

戰金城浩亶斬首六百級復追擊到東西邯大破之

武振旅還京師增邑七百戶紀永平元年七月馬武與燒當羌戰大破之又

延熹五年十月武陵蠻反寇江陵辛丑以太常馮緄

爲車騎將軍將兵十餘萬討武陵蠻十一月緄軍至

沙賊聞之悉詣營乞降進擊武陵蠻夷斬首四千
餘級受降十餘萬人荊州平定振旅還京師 又騰
撫傳東南悉平振旅而還

在漢八葉

宣帝

後將軍

趙充國

平羌振旅而還

出曰治

兵入曰振旅禹之格苗周之采芑教陳於周愷入于
晉告成于王來歸自鎬

晉勞師

紀太元八年冬十月乙亥諸將及符堅戰於淝水大
破之俘斬數萬計獲堅輿輦及雲母車十一月庚申
詔衛將軍謝安勞旋師于金城十二月庚午以寇難

初平大赦

唐獻俘太廟

會要

兼實錄等書

武德元年十一月二十三日秦王平薛

仁杲凱旋獻俘太廟二年五月二十四日破宋金剛

獻捷太廟三年五月辛卯平并州獻捷太廟四年七

月九日甲子平東都秦王被金甲陳鐵騎俘世克建

德及隋神器寶輅獻捷於太廟正觀四年三月二十

九日李靖俘頡利獻捷太廟二十年三月至自遼東

獻俘授馘備法駕具凱旋之禮二十三年正月執龜

茲王辛亥獻社廟

一作

王子獻于紫微殿永徽元年

九月七日庚子高俚執車鼻可汗癸卯獻太廟
陵甲寅獻于武德殿顯慶三年十二月蘇定方俘
魯十五日甲午獻於昭陵十七日丙申告于太廟
社皇帝臨軒大會百僚夷狄君長定方戎服操賀魯
獻於樂垂之北總章元年十二月高麗平獻俘于含
光殿乾封元年十月二十一日

新府元龜亦李勣平云總章元年

高麗還上令領高藏等便道獻于昭陵備軍容奏凱
歌獻於太廟十二月親祠南郊以高麗平昭告上帝
永隆二年十月裴行儉俘突厥伏念等獻之開元二
十二年六月幽州節度副大使張守珪大破契丹林

胡遣使獻捷敕曰邊境爲患莫甚於林胡輒變曩聲
敢爲讞搏守珪等乘間電發表裏齊攻積年逋誅一

朝翦滅宜擇日告九廟二十八年八月二十日破奚

契丹擇日告廟日後有軍捷必先告廟傳云詔有司告九廟

李光弼傳上元元年進圍懷州令郝廷玉由地道

入禽安太清揚希仲送京師獻俘太廟 狄仁傑傳

久視元年李楷固駱務整討契丹克之獻俘含樞殿

凱旋后舉酒屬仁傑賞其知人

唐順天樓受俘 觀德殿獻俘

並見前兵捷類

唐涇陽受回紇獻功

詳見御詩及賜與外

夷類

舊紀正觀二十年八月己巳幸靈州庚午次涇陽鐵勒回紇十一部各遣使朝貢九月甲辰諸部落俟斤頡利發等相繼而至靈州者數千人於是北荒悉平爲五言詩勒石序其事

紀正觀三十年八月己巳

如靈州庚辰次涇州九月甲辰鐵勒諸部請上號爲可汗十月丙戌至自靈州回紇傳突厥已亡惟回紇與薛延陀爲最雄強胡祿俟利發吐迷度與諸部攻薛延陀殘之并有其地遣使者獻款太宗爲幸靈

州次涇陽京兆涇陽縣受其功於是鐵勒十一部皆來言

延陀不事大國以自取亡其下麋駭鳥散不知所之

今各有分地願歸命天子請置唐官有詔張欽高會

引見渠長等以唐官官之凡數千人

唐紫微殿受俘

見前平龜茲段

唐乾陽殿受俘

會要顯慶五年正月癸卯蘇定方討都曼獻俘于東

都上御乾陽殿定方操都曼以獻有司請論如法定

方請曰臣聞諭陛下意許以不死願丐其命帝曰朕

爲卿全信乃宥之

唐含元殿數俘

見前平高麗段

唐含光殿獻俘

見上

唐應天門受俘

舊紀開元二十年五月戊辰信安王獻奚契丹之俘
上御應天門受之

唐獻俘太清宮

天寶五載正月己巳獻隴右節度使皇甫

惟明所獲吐蕃突厥俘于太清宮庚午獻于太廟至
德二年九月元帥廣平王收西京甲辰捷書至行在
百僚稱賀卽日告捷於太上皇遣宰相裴冕入京告
郊廟社稷上元元年十月廣平王奏收懷州城禽七
千餘衆是月獻俘于太廟二年二月河南破劉展告
太廟代宗寶應二年四月命有司享太廟告獻史朝
義首大曆二年正月華州賊周智光平命有司具儀
奏告太清宮及太廟七陵正元元年八月河中平傳
李懷光首至告太廟長慶元年四月河北諸道平中
書門下奏太宗平突厥高宗平高麗皆告陵廟蓋以

高祖嘗蓄憤於北虜太宗亦銳氣於東夷武功未終
所宜啓告鎮冀幽薊盡復區宇祖宗宿憤霧曠煙銷
詩曰維天之命太平告文王也望下禮官撰儀擇日
薦告太廟以彰纘服之業五月己酉告于太廟二年
八月汴州平賊李齊告社廟太清宮中和四年六月
徐州獻黃巢首獻于行廟龍紀元年二月汴州獻秦
宗權帝御延喜門受俘告廟社乾寧元年十一月慶
州傳王行瑜首帝御延喜樓獻於太廟

唐開遠門獻俘

見前僉石國王段

唐勤政樓獻俘

紀天寶十三載五月壬戌觀醮於勤政樓北庭都護

程千里俘阿布思以獻

詔斬以徇

傳突厥九姓首

領阿布思開元初內附賜氏李名獻忠叛還磧外數

盜邊

十一載二月庚午寇邊
十一載六月部落降

詔程千里將兵討捕千

里諭葛邏祿陰令犄角獻忠以窮歸葛邏祿縛之并

妻子帳下數千人送千里所

十二載九月甲寅執之

乃獻俘勤

政樓

唐回鶻獻俘

通監正元七年吐蕃寇靈州為回鶻所敗九月回鶻

遣使獻俘十二月甲午又獻所獲吐蕃酋長尚結心
傳是歲回鶻擊吐蕃葛祿於北廷勝之且獻俘明
年使藥羅葛來朝 會要正元七年九月迴鶻敗吐
蕃於北庭使獻捷

唐南詔獻捷

紀正元十年正月壬辰南詔蠻敗吐蕃于神川來獻

捷通監正月戊戌遣使來獻捷

南詔傳烏蠻別種也自舍尤以

來有譜次可考高宗時遣使者入朝開元末皮邏閣
賜名歸義五詔徵歸義獨強求合六詔爲一制可已
并羣蠻遂破吐蕃入朝天子加禮馳遣中人冊爲雲

王賜錦袍金鈿帶七事大曆十四年異牟尋立吐

蕃封為日東王然吐蕃責賦重奪其險立營候異牟尋

稍謀內附會節度使韋臯撫諸蠻有威惠時正元四

年也遣諜遺書吐蕃疑之責大臣子為質後五年九

月五乃決策遣使者趣成都遺臯帛書願歸款獻金示

順革丹赤心也德宗嘉之賜詔書命臯遣諜往覘十

甲子臯令其屬崔佐時宣天子意十年正月異牟尋再

拜受命與佐時盟點蒼山乃發兵攻吐蕃使者殺之

刻金契以獻遣曹長隨佐時入朝自將數萬人大破

吐蕃於神川遂斷鐵橋溺死以萬計俘其五王乃遣